

**Publicaziun ufficiale**  
 Vschinauncha da Segl

**Dumonda da fabrica**

Patrun da fabrica:	Silvano ed Angela Meuli, Sils/Segl Maria
Proget:	Construzion in vaider per la terrassa da l'abitaziun sülla parcella cun dret da fabrica nr. 2922, zona industriela Föglia

Las actas sun expostas per invista  
düraunt 20 dis a partir da la publicaziun  
da la dumanda in chanzlia cumünela.

Recuors da dret public sun d'inoltrer infra  
20 dis a partir da la publicaziun tar la  
suprastanza cumünela da Sils i.E./Segl.  
Segl Maria, ils 21 marz 2015

La suprastanza cumünela  
176799970 xx

**Publicaziun ufficiale**  
 Vschinauncha da Schlarigna

**Dumonda da fabrica**

Duonna Köhli Müller Simone e sar  
Stephan-Jacques haun l'intenzion da  
fabricher duos fnestras da tet ill'abita-  
ziun 10 ed 11 süla parcella 768,  
Chesa Fuolla Rösa, Via Maistra 9,  
7505 Celerina/Schlarigna.

A nu vegnan miss üngüns profils.

La documentaziun vain exposta dü-  
raunt 20 dis tar l'uffizi da fabrica cumü-  
nel da Celerina/Schlarigna. Recuors in  
scrit e cun motivaziun cunter quist  
proget sun d'inoltrer infra quist termin  
a la suprastanza cumünela da Celerina/  
Schlarigna.

Celerina/Schlarigna,  
ils 19 da marz 2015

Per incumbenza  
da l'autoriteda da fabrica  
Uffizi da fabrica cumünel  
Celerina/Schlarigna  
176799944 xx

**Quist on festageschan tant la  
Scoula d'Avrona a Tarasp sco eir  
las Pendicularas Motta Naluns  
SA lur 60avel giubileum. Per  
quist'occasiun han ils scolars  
pudü dar ün sguard davo las  
culissas da las pendicularas.**

L'on 1955 es stat per la part suot da l'Engiadina Bassa ün on important. A Scoul vain inaugurada la pendiculara chi maina cun cabinas a duos persunas sülla Motta Naluns. Quai es stat il cumanzaint dal turissem d'inviern sco ch'el vain praticħà hozindi. Ad Avrona sül territori da Tarasp invezza driva üna nouva instituzion scolastica sias portas: La «Bergschule Avrona» vain manada daspo quella jada tenor ils principis pedagogics da Rudolf Steiner.

**Inscenter pel giubileum cumünaivel**  
«Nossa scoula ha decis da realisar invezza be dad ün'unica festa da giubileum plü gronda dūrant tuot l'on differentas occurrenzas pedagogicas e culturalas», ha expliċha Mayk Wendt. Insemlib cun David Brodbeck maina el la Scoula d'Avrona. «Sco minch'on vaina spüert eir quist on nos program d'inviern cun gitas da skis e cun gianellas, lura faina eir passlung e'n vain partecipats al Maraton engiadinali.» Movimaint e sport es üna da las devisas pedagogicas da la Scoula d'Avrona. Tuot ils scolars sco eir magisters ed impiegats da la scoula han üna carta da stagiu da la Motta Naluns. «Nus eschan stats quasi mincha fin d'eivna culs scolars sülla Motta.» Cur cha'l responsabels da la Scoula d'Avrona sun gnüts a savair ch'eir las Pendicularas Motta Naluns SA existan

Duos instituzions chi festageschan il 60avel cumplion



Il direkte da las Pendicularas Motta Naluns, Egon Scheiwiller, ha retschevü la visita d'Avrona. fotografia: Mayk Wendt

daspö 60 ons, es nada insemlib cul di-  
recter Egon Scheiwiller l'idea da far alch  
insemlib.

**Plü gugent investir co festagliar**  
Las Pendicularas Motta Naluns SA han  
decis da desister da grondas festivitatis

da giubileum quist on: «Illa nouva  
s-chabellera da Prui a Clünas investina  
var nouv milliuns francs. Nus dovrain  
quellas finanzas per quai e na per far  
festa», ha declerà Egon Scheiwiller, il di-  
recter da las pendicularas, «eu n'ha pe-  
rò invidià als scolars d'Avrona da gnir

ans far la visita e's laschar preschantar  
nossa gestiun e nossas maschinias.» Sco  
punct culminant han tschinħi furtū-  
nats pudü ir in marcurdi saira amo ün  
toc cun la maschina da pista. «Per deci-  
der chi vaina trat la büs-cha», ha dit  
Wendt riond. (anr/rgd)

## Cultura da chant cun ün program varià

Concert da Las Lodolas illa baselgia a Sent

**Las Lodolas han concertà  
insemlib cul Trio Steidle illa  
baselgia a Sent. Els han sport ün  
program fich varià cun chanzuns  
popularas, ma eir cun spirituals  
e musica plü moderna.**

per part eir arrandschader ha blera pa-  
zienza cun nus ed ün bun möd colle-  
ghial da manar Las Lodolas. Malpaz-  
chaint dvainta el pür cur ch'el ha fadia  
da rivar pro'l büfe da dessert», ha dit  
Chasper Valentin. El ha eir saludà chi  
s'ha pudü unir darcheu üna jada l'En-  
giadin'Ota cun l'Engiadina Bassa in  
möd musical.

Il concert da Las Lodolas ha cumanzà  
culla chanzun populara «Giodim in  
quella val», segui d'una chanzun taliana  
cul titel «Verzaschina». Duos tocs da  
Polo Hofer han inrichi il concert, im-  
pustüt «Travailler». Pro quel toc s'haja  
badà chi nu's trattaiva be d'ün concert  
cun chanzuns popularas, ma eir da tocs

chi dumondan grond savair e concen-  
trazion. Il plü tard pro «La sera sper il  
lag» sco eir il «Halleluja» ed «Il sain da  
not», cur chi's ha stuvü tgnair inavo las  
larmas, s'haja badà la qualità sur-  
prendenta da Las Lodolas. Chant cun  
piano's e forte's chi meritan quel nom.  
Eir il Trio Steidle ha muossà cun duos  
toc da Henry Mancini lur gronda abil-  
ità e las duos figlias han merità il grond  
applaus dals preschaints. Üna singula-  
rità d'eira la chanzun «Der Verliebte».  
Id es stat ün concert chi ha commovü e  
muossà che chi'd es pussibel cun bler  
vöglia e cun ün manader cun bler senti-  
maint e savair. Il concert es gnü registrà  
dal Radio Rumantsch. (anr/bcs)

## Ingio chi nun es da tscherchar la part locala.

Per abunamaints:  
tel. 081 837 90 80 obain  
tel. 081 861 01 31,  
[www.engadinerpost.ch](http://www.engadinerpost.ch)

**Engadiner Post**  
POSTA LADINA

## Imprender meglder rumantsch

die Kunst	l'art
der, die Kunsthistoriker, -in	l'istoriker, -cra d'art
der, die Kunsthändler, -in	il, la commerçant, -a d'ogets d'art
der, die Kunstkennner, -in	il, la cugnuschidur, -a d'art
die Kunstindustrie	l'industria d'art
der Kunstkalender	il chalender d'art
die Kunstkommission	la cumischion d'art
die Kunstkritik	la critica d'art
der, die Kunstkritiker, -in	il, la criticheder, -dra / critichader, -dra d'art
die Kunstlandschaft	la cuntreda / cuntrada d'art
der, die Kunstliebhaber, -in	l'amatur, -a d'art
die Kunsliteratur	la litteratura d'art
der, die Kunstmaler, -in	il, la pittur, -a artist, -a
der Kunstmarkt	il marcho / marchà d'art
die Kunstmesse	la faira d'art
der, die Kunstmäzen, -in	il, la mecen, -a d'art

**Chanzuns popularas e Polo Hofer**  
Schabain cha'l concert ha dūrà duos  
uras nu s'haja mai gnü l'impresehiun  
da lungarella. La gronda variaziun da  
lur concert ha adüna darcheu clomà  
davo daplu. «Nos dirigent, manader e

## Che reportascha da prümavaira vulais leger?

1. Tura da skis cun üna guida da muntogna
2. L'ultim di in ün hotel
3. Rumir naiv sül pass dal Flüela



Decidai svess! La votaziun sün  
[www.engadinerpost.ch](http://www.engadinerpost.ch) finischa als  
4 avrili. La reportascha giavüschada vain  
publichada tanter ils 20 e 25 avrili.

**Engadiner Post**  
POSTA LADINA